

# EES-STOFNANIR

## SAMEIGINLEGA EES-NEFNDIN

ÁKVÖRÐUN RÁÐSINS

2001/EES/46/01

frá 14. desember 1998

um gjaldakerfi í bandalaginu á sviði dýrafóðurs(\*)

(98/728/EB)

RÁÐ EVRÓPUSAMBANDSINS HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 70/524/EBE frá 23. nóvember 1970 um aukefni í fóðri, einkum 2. mgr. 6. gr. (1),

með hliðsjón af tilskipun ráðsins 95/69/EB frá 22. desember 1995 um skilyrði og fyrirkomulag við að viðurkenna og skrá tiltekna fôðurstöðvar og milliliði og um breytingu á tilskipunum 70/524/EBE, 74/63/EBE, 79/373/EBE og 82/471/EBE, einkum 14. gr. (2),

með hliðsjón af tillögu framkvæmdastjórnarinnar (3),

og að teknu tilliti til eftirfarandi:

Setja ber ákvæði á vettvangi bandalagsins um gjöld sem ber að leggja á fyrir tiltekna þjónustu í öllum aðildarríkjum.

Gjalds skal einungis krafist fyrir að yfirfara tækniskjöl um tiltekin aukefni. Taka ber saman skrá yfir viðeigandi flokka aukefna.

Væntanleg álögð gjöld skulu einungis nægja fyrir launakostnaði, félagslegum útgjöldum og stjórnunarkostnaði stofnunarinnar sem annast þjónustuna. Taka ber saman tæmandi skrá yfir kostnaðarliði sem ber að miða við þegar fyrrnefnd gjöld eru reiknuð út.

Aðildarríkjunum skal gefinn kostur á að ákvarða fastagjöld til þess að þurfa ekki að gera grein fyrir raunverulegum kostnaðarliðum í hverju tilviki.

Aðildarríkjunum ber að veita framkvæmdastjórninni nauðsynlegar upplýsingar til þess að hún geti breytt viðaukunum þegar hún telur það henta. Slíkar breytingar ber að gera í samræmi við málsmeðferðina, sem mælt er fyrir um í þessari ákvörðun, til að koma á nánú samstarfi milli aðildarríkjanna og framkvæmdastjórnarinnar innan fastanefndarinnar um fôður.

SAMÞYKKT ÁKVÖRÐUN ÞESSA:

I. gr.

1. Aðildarríkin skulu sjá til þess að gjald sé lagt á fyrir þeim kostnaði sem aðildarríkið, sem gegnir hlutverki skýrslugjafa, stofnar til, í samræmi við 4. gr. og 1. mgr. 6. gr. tilskipunar 70/524/EBE, vegna athugunar á tækniskjöllum er varða aukefnin sem eru talin upp í viðauka A við þessa ákvörðun.

2. Aðildarríkin skulu sjá til þess að gjald sé lagt á fyrir þeim kostnaði sem stofnað er til í tengslum við viðurkenningu tiltekinna stöðva og milliliða í samræmi við 5. gr. tilskipunar 95/69/EB.

3. Þegar gjöld, sem um getur í 1. og 2. mgr., eru reiknuð út skal einungis taka mið af þeim kostnaði sem er tilgreindur í viðauka B.

(\*) Þessi EB-gerð, sem birtist í Stjtið. EB L 346, 22.12.1998, bls. 51, var nefnd í ákvörðun sameiginlegu EES-nefndarinnar nr. 71/2000 frá 2. október 2000 um breytingu á I. viðauka (Heilbrigði dýra og plantna) við EES-samninginn. Sjá EES-viðbæti við Stjórnartíðindi Evrópubandalaganna nr. 59, 14.12.2000, bls. 1.

(1) Stjtið. EB L 270, 14. 12. 1970, bls. 1. Tilskipuninni var síðast breytt með tilskipun 98/92/EB (Stjtið. EB L 346, 22. 12. 1998, bls. 49).

(2) Stjtið. EB L 332, 30. 12. 1995, bls. 15. Tilskipuninni var síðast breytt með tilskipun 98/92/EB (Stjtið. EB L 346, 22. 12. 1998, bls. 49).

(3) Stjtið. EB C 155, 20. 5. 1998, bls. 29.

## 2. gr.

Heimilt er að breyta viðaukunum samkvæmt málsmeðferðinni í 5. gr.

## 3. gr.

Aðildarríkjunum er óheimilt að endurgreiða gjöld, í skilningi þessarar ákvörðunar, með beinum eða óbeinum hætti.

Notkun fastagjalda af hálfu aðildarríkis, þegar einstök tilvik eru metin, skal samt sem áður ekki talin óbein endurgreiðsla.

## 4. gr.

1. Aðildarríkin skulu taka saman skýrslur um með hvaða hætti ákvæðum þessarar ákvörðunar er beitt, þar sem fram kemur:

- hve hárra gjalda eða fastra upphæða er krafist í hverju tilviki samkvæmt 1. eða 2. mgr. 1. gr.;
- hvaða aðferð er notuð til þess að reikna út gjöldin með hliðsjón af þáttunum sem eru taldir upp í viðauka B.

Aðildarríkin skulu senda framkvæmdastjórninni skýrslur sínar eigi síðar en 14. desember 2000.

2. Framkvæmdastjórnin skal, eigi síðar en 14. desember 2002 og á grundvelli skýrslanna sem er krafist samkvæmt 1. mgr., leggja yfirlitsskýrslu fyrir ráðið um framkvæmd þessarar ákvörðunar ásamt viðeigandi tillögum, ef við á, um frekari samræmingu gjaldtöku innan fódurgeirans.

## 5. gr.

1. Þegar fylgja skal málsmeðferð þeirri, sem mælt er fyrir um í þessari grein, skal framkvæmdastjórnin njóta aðstoðar fastanefndarinnar um fódur, hér á eftir kölluð „nefndin“.

2. Fulltrúi framkvæmdastjórnarinnar leggur fyrir nefndina drög að þeim ráðstöfunum sem gera skal. Nefndin skal skila álitinu sínu á drögum innan þeirra tímamarka sem

formaðurinn setur eftir því hversu brýnt málið er. Álitnið skal samþykkt með þeim meirihluta sem mælt er fyrir um í 2. mgr. 148. gr. sáttmálans þegar um er að ræða ákvarðanir sem ráðinu ber að samþykkja að tillögu framkvæmdastjórnarinnar. Atkvæði fulltrúa aðildarríkjanna í nefndinni veða eins og mælt er fyrir um í þeirri grein. Formaðurinn greiðir ekki atkvæði.

3. a) Framkvæmdastjórnin skal samþykkja fyrirhugaðar ráðstafanir séu þær í samræmi við álit nefndarinnar.
- b) Séu fyrirhugaðar ráðstafanir ekki í samræmi við álit nefndarinnar, eða skili nefndin ekki álitni, ber framkvæmdastjórninni án tafar að leggja tillögu fyrir ráðið um þær ráðstafanir sem gera skal. Ráðið tekur ákvörðun með auknum meirihluta.

Hafi ráðið ekki aðhafst innan þriggja mánaða frá því að tillagan var lögð fyrir það skal framkvæmdastjórnin samþykkja fyrirhugaðar ráðstafanir nema ráðið hafi með einföldum meirihluta lýst sig andsnúð umræddum ráðstöfunum.

## 6. gr.

Ákvörðun þessi kemur til framkvæmda 30. júní 2000.

## 7. gr.

Ákvörðun þessari er beint til aðildarríkjanna.

Gjört í Brussel 14. desember 1998.

*Fyrir hönd ráðsins,*

W. MOLTERER

*forseti.*

---

*VIÐAUKI A*

Tækniskjöl um aukefni háð leyfi sem tengist einstaklingi sem er ábyrgur fyrir að setja þau í dreifingu samkvæmt tilskipun 70/524/EBE.

---

*VIÐAUKI B*

Tæmandi skrá yfir kostnaðarliði sem ber að taka mið af þegar gjöldin eru reiknuð út samkvæmt 1. og 2. mgr. 1. gr.:

**Kostnaður vegna starfsmanna**

— laun, einnig fjárstyrkir ef við á, kostnaður vegna eftirlauna (lífeyristrygginga), iðgjöld vegna trygginga starfsmanna.

**Kostnaður vegna stjórnunar**

— skrifstofuhúsnæði, þar með talin húsaleiga, hiti, raflysing og vatn, húsgögn, viðhald, tryggingar, vextir, afskriftir;

— almennir útgjaldaliðir, þar með talin skrifstofutæki, ritföng, pósturðargjöld, prentun, fjarskipti, þjálfun, áskrift að tímaritum;

— ferðakostnaður og tengdur kostnaður.

**Tæknikostnaður**

— tilheyrandi tæknikostnaður (t.d. rannsóknarstofukostnaður, sýnatökukostnaður);

— gjöld fyrir ráðgjafarþjónustu.

---